



Vischnaunca burgheisa  
7152 Sagogn

Lescha dil dretg da burgheis dalla vischnaunca da Sagogn

Art. 1

Regla  
fundamentala

En possess dil dretg burgheis da vischnaunca san vegnir pri si burgheis cantunals e svizzers sco era tals digl exteriur ni da negin origin sche las perscripziuns dalla confederaziun, dil cantun e dalla vischnaunca ein ademplidas.

Art. 2

Premissas

Il dretg burgheis da vischnaunca astga vegnir concedius ni empermess mo a personas ch'ein vegnidas examinadas pertuccont lur relaziuns persunalas, surtut lur veta anteriura e lur basa d'existenza. Ils aspirants ston ultra da quei esser integrai ella societad e colligai cun la populaziun.

Il dretg da burgheis sa vegnir concedius mo a personas che possedan buca dapli ch'in dretg burgheis da vischnaunca svizzer.

Art. 3

Domicil

Il dretg da burgheis sa vegnir concedius cun resalva digl art. 9 dil dretg burgheis cantunal mo a personas ch'ein domiciliadas en Svizra, 10 onns ella vischnaunca da Sagogn, dils quals 5 ils davos 6 onns; per jasters valan 15 onns.

Excepziuns en damonda da domicil san vegnir fatgas el senn d'alinea 1 sche ligioms pli intensivs enviers la vischnaunca ein semussai ni sch'igl aspirant ha merets pli gronds per il beinstar dalla vischnaunca.

Art. 4

Dretg

Burgheis svizzers che habiteschan dapi 15 onns ed jasters che habiteschan 20 onns senza interrupziun ella vischnaunca han il dretg da secumprar en sche las premissas conc. gl' art. 2 ein avon maun.

Ei igl jester schizun naschius en Svizra, aschia stat a disposiziun ad el il dretg sut las medemas cundiziuns sco sch'el havess habitau senza interrupziun 16 onns ella vischnaunca.

## Art. 5

Per la naturalisaziun da Svizzers vegn ina summa da frs. 1'000.-- pretendida, per jasters ina da frs. 3'000.-- per persuna. En quella taxa da naturalisaziun ein era affons minorens cumpigliai

Taxa da  
naturalisaziun

La taxa sa vegnir reducida maximal per 50% sche la dimora en vischnaunca ei stada min. 15 onns per Svizzers e 20 onns per jasters ni tier ina minimala habilitad economica. Vegn il dretg burgheis daus en honor, croda la taxa.

La taxa da naturalisaziun va alla vischnaunca politica suenter ch'ils cuosts da tractament ein tratgs giu.

## Art. 6

A persunas, las qualas han surviu alla vischnaunca en moda speciala, sa il dretg da burgheis vegnir concedius en honor.

Dretg burgheis  
d'honor

Duei la surdada dil dretg da burgheis d'honor haver igl effect d'ina naturalisaziun ordinaria, ston las premissas dalla confederaziun e dil cantun esser ademplidas.

## Art. 7

Cumpigliai ella naturalisaziun d'in genitur vegnan cun resalva dall'alea 2 era ils affons minorens che stattan sut sia autoritad sche quei vegn buca expressivamein exclud. Tier la naturalisaziun d'honor sto il dretg dils affons vegnir daus expressivamein.

Il cumpigliau

Tier affons sut 16 onns ston omisdus geniturs dar il consentiment per cumpigliar ils affons che stattan sut lur autoritad, tier affons sur 16 onns ston els sez dar il consentiment.

### a) Damonda

## Art. 8

La procedura

La damonda da vegnir pri si el dretg burgheis da vischnaunca ei da far a scret alla suprastanza burgheisa. Suandonts documents ein d'aggiuntar:

- a) Carta da legitimaziun, eventualmein da lètg;
- b) Documents da dimora tenor art. 3 e 4;
- c) Cuors da veta;
- d) Attestat da conduita dallas vischnauncas per ils treis davos onns;
- e) Extract register penal;
- f) Extract register da taglia;
- g) Consentiment dall'autoritad dils geniturs (per aspirants minorens);
- h) Lubientscha digl ugau e dalla cumissiun tutelara (per persunas sut ugadia);
- i) Consentiment federal (per jasters).

Sche il dretg da burgheis vegn concedius en honor el senn d' art. 6 alinea 2 drova ei buca ils documents tenor igl art. 8, bst. c-f.

#### **b) Examinaziun e decisiun**

##### **Art. 9**

La suprastonza examinescha mintga damonda da naturalisaziun e pretenda en cass da basegns ils documents.

Ein las premissas legalas avon maun, suttametta el sut resalva d'alinea 3 la damonda cun sia recumandaziun, en la quala era la taxa ei cuntenida, alla radunonza dalla vischnaunca. Quella decida cun in sempel surpli.

Pertuccont damondas el senn digl art. 4 decida la suprastonza burgheisa. Refusescha quella la damonda eis ei d'indicar agl aspirant a scret ch'el sa far recuors alla dertgira administrativa enteifer 20 dis suenter la comunicaziun (art. 50 e.a. "VVG").

#### **c) Comunicaziun**

##### **Art. 10**

La decisiun dalla radunonza burgheisa el senn digl art. 9 alinea 2 resp. el senn digl art. 9 alinea 3 ei d'inoltrar agl aspirant a scret.

Vegn ei dau suatientscha alla damonda, ei la decisiun era da comunicar all'autoridad da survigilonza cantunala dil stadi civil. Era las scartiras tenor art. 8 alinea 1 ein d'inoltrar. Quella caschuna eventualmein la naturalisaziun e relai las comunicaziuns ufficialas necessarias .

#### **d) Vigur**

##### **Art. 11**

Ei igl aspirant aunc buca en possess dil dretg burgheis cantunal, va il dretg burgheis da vischnaunca en vigur cu el posseda il dretg burgheis cantunal, en auters cass cun l'inscripziun atras l'autoridad da survigilonza el stadi civil.

##### **Art. 12**

Demissium

La demissium dil dretg burgheis dalla vischnaunca sedrezza suenter art. 29 e.a. dalla lescha dil dretg burgheis cantunal.

Damondas corrispudentas ein da drizzar alla survigilonza d'autoridad dil stadi civil.

a) Entrada en vigur

Determinaziun  
finala

Art. 13

Quella lescha va en vigur suenter ch'ella vegn approvada dalla radunonza burgheisa sco era cun l'approbaziun dalla Regenza.

b) Disposiziuns

Art. 14

Damondas da naturalisaziun ch'ein inoltradas avon quella lescha, ston suttaumber ad ina lescha pli migeivla pil petent. Las perscripziuns ligiontas dalla lescha burgheisa cantunala valan en scadin cass.

Questa lescha ei vegnida approvada dalla radunonza burgheisa ils 30 da mars 1994.

Vischnaunca burgheisa Sagogn

Il president:

  
Giusep Cavelti



L'actuara:

  
A.M. Caderas-Seinhauser

Approvada entras la Regenza cun conclus dils .3..5..94.. nr. .1111

En num dalla Regenza

Il president:

  
L. Bärtsch



Il directur dalla canzlia:

  
Dr. Riesen